

Visoki predstavnik Schmidt sastao se s premijerom Hrvatske Plenkovićem u Zagrebu



Visoki predstavnik Christian Schmidt boravio je danas u službenoj posjeti Zagrebu, gdje se sastao sa hrvatskim premijerom Andrejem Plenkovićem.

Visoki predstavnik Schmidt i premijer Plenković razmijenili su mišljenja o trenutnim političkim trendovima i kretanjima u Bosni i Hercegovini i na Zapadnom Balkanu, sa naglaskom na evroatlantske integracije. Također su razgovarali o procesu izborne reforme u Bosni i Hercegovini.

Tokom sastanka visoki predstavnik je naglasio potrebu jačanja funkcionalnosti institucija BiH kroz pojačani angažman svih domaćih strana, uz podršku međunarodne zajednice. Funkcionalnost je, naglasio je on, neophodan preduslov kako bi ta zemlja izašla iz faze međunarodne supervizije i napredovala u integracijama u Evropsku uniju.

Visoki predstavnik je zahvalio premijeru Plenkoviću na zalaganju Hrvatske i njenoj podršci težnjama Bosne i Hercegovine i drugih zemalja u regiji da se i same priključe EU.